

## **Kommune Kujallermi qimmeqarnermut qitsuuteqarnermullu ileqqoreqqusat**

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersumi § 13-imi imm. 1 aamma § 28-mi imm. 2 aamma 4 naapertorlugit, Inatsisartut inatsisaatigut nr. 23-atigut, 22. novembari 2011-mi kingullertut allanngortinneqartumi aalajangerneqarpoq:

### *Attuuffii*

**§ 1.** Malittarisassat uku Kommune Kujallermi atuupput.

### *Qimmit qitsuilu nalunaarsorneqartarnerat*

**§ 2.** Kommune Kujallermi qimmit qitsuillu pigineqartut kommunalbestyrelsimit nalunaarsorneqassapput.

*Imm. 2.* Qimmit qitsuillu pigineqartut nalunaarsorneqartassapput uunga saaffiginninnikkut: Teknikkimut Avatangiisinullu Ingerlatsivik, Postboks 514, 3920 Qaqortoq, e-mail: [teknik@kujalleq.gl](mailto:teknik@kujalleq.gl) imaluunniit tlf. 70 41 00.

*Imm. 3.* Qimmimik qitsummilluunniit piginnittup piginnittunngornerminiit kingusinnerpaamik sapaatit akunnerisa sisamat ingerlaneranni qimmeq qitsulluunniit Teknikkimut Avatangiisinullu Ingerlatsivimmullu nalunaarsortikkiartussavaa. Qimmeqarnermut qitsuuteqarnermullu imaluunniit piginnittup allanngorneranut nalunaarutiginninnissamut immersugassaq Innuttaasunut Sullissivimmut saaffiginninnikkut pissarsiarineqarsinnaavoq, soorluttaaq immersugassaq nittartagatsinnut iserluni aaneqarsinnaasoq.

**§ 3.** Kommune Kujalliup qimminik qitsunnillu piginnittut CPR-normui, aqqi, najugaqarfii, oqarasuaataasa normui, suna uumasuunersoq, uumasup suaassusaa, ukiui, akiuussutissalernerneqarneri akuersissutillu normui atorlugit qimmit qitsuillu tamaasa nalunaarsussavai.

*Imm. 2.* Paasissutissat imm. 1-imi nalunaarsimasut allannguuteqarpata allanngorneranniit ullut 30 qaangiutsinnagit piginnittup kommunimut nalunaarutigissavai.

*Imm. 3.* Qimmeq qitsulluunniit toquppat piginnittoq ullut 30-t qaangiutsinnagit Kommune Kujallermut allakkatigut namminerluunniit ornigulluni nalunaaruteqassaaq.

### *Qimminik Nakkutilliisoq*

**§ 4.** Kommune Kujallermi kommunalbestyrelsi sulisumik qimminik nakkutilliisussamik toqqaasinnaavoq imaluunniit suliassamik allanut isumagisassanngortitsinnaalluni. Illoqarfinni Nanortalimmi, Narsami kiisalu Qaqortumi qimminik nakkutilliisunik atorfinitsitsisoqassaaq.

*Imm. 2.* Qimminik nakkutilliisut suliassanut tulliuuttunut makkununga akisussaapput:

- 1) Qimmit qitsuillu tamarmik akiuussutissanik inatsisitigut piumasarineqartunik kapineqarsimanersut nakkutigissallugu.
- 2) Qimmit qitsuillu kikkunnit pigineqarnerannik nakkutilliineq.
- 3) Qitsunnik qimminillu angalaannartunik tiguisarneq toqutsisarnerlu.
- 4) Akiuussutissalertissimasut amerlassusaannik akiuussutissanillu uninngasuutunik nalunaarsuineq kiisalu akiuussutissanik kapuuisarneq eqqarsaatigalugu nalunaarsukkanik taakkuninnga uumasunut nakorsa qarfimmuut nalunaaruteqartarneq.

### *Akiuussutissaliisartog*

**§ 5.** Kommune Kujallermit kommunalbestyrelsi sulisumik akiuussutissamik kapuuisartussamik toqqaasinnaavoq, imaluunniit suliassaq allanut isumagisassanngortissinnaallugu.

*Imm. 2.* Qimmit qitsuillu inatsisitigut piumasarineqartutut akiuussutissanik kapineqarsimanissaat chippimillu nalunaaqutserneqarsimanissaat akiuussutissanik kapuisartup akisussaaffigaa.

*Imm. 3.* Akiuussutissanik kapuisartog Kommune Kujallermit toqqagaq Kalaallit Nunaanni Uumasut nappaataannut Inuussutissalerinermullu Oqartussa qarfimmuut akuerineqarsimatinnani akiuutissamik kapuinanilu chippinik nalunaaqutsersuissanngilaq.

### *Akiuussutissamik kapuineq, nalunaaqutseruineq nalunaarsuinerlu*

**§ 6.** Qimmit inuttaanut attaveqarnissamut paasisutissartalimmik qungasequteqartinneqassapput.

**§ 7.** Qimmimik qitsummilluunniit piginnittup pisussaaffigaa taassuma Naalakkersuisut akiuussutissiisarnermut suleriaasii naapertorlugit akiuussutissamik kapineqarsimanissaa.

*Imm. 2.* Qimmit kingusinnerpaamik siullermeerlutik akiuussutissamik kapineqarnerminni mikrochippimik nalunaaqutserneqassapput nalunaarsorneqassallutillu.

**§ 8.** Uumasut nakorsaannit ilinniarsimasut imaluunniit qimminik akiuussutissanik kapisarnermut akuerisaasut qimminik qitsunnillu akiuussutissamik kapisinnaallutillu nalunaaqutsiisinnaatitaapput.

*Imm. 2.* Akiuussutissamik kapisarnermut, nalunaaqutsiinermit nalunaarsuinernullu aningaasartuutit piginnittumit akilerneqassapput.

*Imm. 3.* Qimmimik qitsummilluunniit akiuussutissiinerup, nalunaaqutsiinerup nalunaarsuinerullu eqqortumik pisimanagera kommunalbestyrelsimit upernarsaaseqquneqarsinnaavoq.

*Imm. 4.* Qimmip qitsuulluunniit nalunaarsugaanera, nalunaaqutsigaanera akiuussutissinneqarneraluunniit eqqortumik pisimangippata piginnittup akiligaanik kommunalbestyrelsip qimmeq qitsulluunniit akiuussutissinneqartissinnaavaa, nalunaaqutsertillugu nalunaarsortillugulu.

### *Kinguaassiorsinnaajunnaartitsineq*

**§ 9.** Qimmit arnavissat qitsuillu arnavissat tamarmik, Kommune Kujallermut eqqussat imaluunniit pissarsiarisat, pilatsinnikkut imaluunniit kapitinnikkut naartusinnaajunnaarsinnikuussapput.

*Imm. 2.* Qimmit arnavissat qitsuillu arnavissat tamarmik, Kommune Kujallermut eqqussat imaluunniit pissarsiarisat, pilatsinnikkut imaluunniit kapitinnikkut kinguaassiorsinnaajunnaarsineqassapput.

*Imm. 3.* Qimmip qitsuulluunniit kinguaassiorsinnaajunnaarsineqarsimaneranut uppersammik Kommunalbestyrelsi qaqugukkulluunniit piumasaqarsinnaavoq.

*Imm. 4.* Pilattaanikkut nakorsaatilluunniit atorlugit kinguaassiorsinnaajunnaarsitsinermut aningaasartuutit Kommune Kujalliup susassarinnilai.

**§ 10.** Qimmit sulinermi atukkat ilanngussaq 1-imi oqaatigineqartut § 9, imm. 1 aamma 2-imi aalajangersakkanit pineqanngillat.

Qimmeq immikkut sulinissamat sungiusarneqarsimasutut uppersarneqarsinnaappat kiisalu sulinermi atorineqartut uppersarneqarsinnaappat pilaanikkut kinguaassiorsinnaajunnaarsitsinissamik piumasaqaatit atuutsinneqannginnissaanik akuersisoqarsinnaavoq.

*Imm. 3* Kommunalbestyrelsit § 9, imm. 1 aamma 2-ip qimminut atortinneqannginnissaanik akuersisimatillugit, qimmerli akuersissummi pineqartunut atorineqarunnaarsimappat, § 9 imm. 1 aamma 2-imi piumasaqaatigineqartut atuuteqqilissapput.

### *Qimmit qitsuillu paarineqarnerat*

**§ 11.** Qimmimik qitsummilluunniit piginnittoq pisussaavoq:

- 1) uumasup minnerpaamik ullormut ataasiarluni alakkarneqartarnissaa isumagissallugu,
- 2) uumasooq ajunngitsumik isumagissallugu,
- 3) uumasooq ullut tamaasa nerisillugulu imertittassallugu,
- 4) uumasooq napparsimasoq katsorsarneqartissallugu toqunneqartissalluguluunniit, kiisalu
- 5) uumasup panertumik nallavissaqartinneqarnissaa isumagissallugu

*Imm. 2.* Uumasup paarineqarnissaanut piginnittoq akisussaavoq, aamma nammineerluni paarisinnaanngikkaluaruniulluunniit. Qimmeq qitsulluunniit paarinerlunneqarpat piginnittoq akisussaavoq.

### *Qimminik qitsunnillu kinguaassioertitsineq*

**§ 12.** Qimminik qitsunnillu kinguaassioertitsineq inerteqqutaavoq, takuulli imm. 2.

*Imm. 2.* Allakkatigut qinnuteqartoqarneratigut qimminik qitsunnillu kinguaassioertitsinermut Kommunalbestyrelsi akuersissuteqarsinnaavoq.

## *Qimmiuteqarfiit qitsuuteqarfiillu*

§ 13. Qimmit aatsaat illoqarfiup nunaqarfiulluunniit avataaniitsillutik aammalu piginnittuminniit naalakkersugaatillutik pituuttaqanngissinnaatitaapput.

§ 14. Qimmit qitsuillu angallatini kommunimi allami nalunaarsimasuni issimasut kommunalbestyrelsiamiit akuerineqarsimanngikkunik angallammiiginnassapput.

*Imm. 2.* Akuersisoqassappat piginnittup imaluunniit angallatip uumasut nappaataat pillugit aalajangersakkat qaqugukkulluunniit atuuttut kiisalu ileqqoreqqusani ukunani aalajangersakkat naammassineqarsimanerat naalagaata uppernarsassavaa.

§ 15. Qimmit illoqarfinni nunaqarfinnilu aqqusinerni, aqqusineeqqani allanilu kikkut tamarmik atortagaanni pituutaqartinnagit angalaartinnissaat inerteqqutaavoq. Qimmeq pituutaqaruni pituutaa ima naatsigissaaq angallattunut allanut akornutaassanani.

*Imm. 2.* Piffinni imm. 1-imi taaneqartuni qimmeq angalaaginnarpat Teknikkimut Avatangiisinullu Ingerlatsiviup tiguneqartissinnaavai taavalu piginnittusoq imaluunniit illumi najugarisaani inersimasutut oqartussaassusilik ilisimatissallugu.

*Imm. 3.* Illoqarfiit nunaqarfiillu avataanni qimmit asuli angalaannginnissaat qimmimik piginnittup isumagisassaraa.

§ 16. Atuisinnaatitaasoq akuersisimatinnagu piffinni inuit namminerisaanni qimminik qitsunnullu asuli angalaartitsinissaaq inerteqqutaavoq. Atuisinnaatitaasup qimmit qitsuilluunniit isumannaatsumik tiguisinnaavai imaluunniit piffimmiit peersisinnaallugit.

*Imm. 2.* Qimmeq qitsulluunniit uumasutunik allanik saassussippat imaluunniit inunnt pigisanulluunniit navianartorsiortitsippat qimmeq qitsulluunniit toqunniarlugu aallaannineq allatulluunniit iliorneq taamaallaat piffimmik namminerisamik atuisinnaatitaasumit iliuuserineqarsinnaavoq. Kina qimmimik qitsummilluunniit immikkoortoq taanna naapertorlugu toqutsisoq erngerluni Teknikkimut Avatangiisinullu Ingerlatsivimmut kiisalu politiinut tamatuminnga nalunaaruteqassaaq.

*Imm. 3.* Imm. 1 naapertorlugu qimmimik qitsummilluunniit tiguisoqarpat qimmimik qitsummilluunniit tiguisoq piaarnerpaamik kingusinnerpaamillu tiguisinermiit akunnerit 24-it qaangiunneranni qimmimik qitsummilluunniit piginnittumut imaluunniit illumi najugaani inersimasumut ilisimatitsissaaq. Piffimmik namminerisamik atuisinnaatitaasoq, aammalu qimmimik qitsummilluunniit tiguisimasoq qimmimik qitsummilluunniit tiguisaminik isumannaatsumik nerisitsillunilu paarsinissaminik pisussaavoq. Qimmeq qitsulluunniit tiguneq ajornarpat, imaluunniit qimmip qitsuulluunniit piginnittua ilisimaneqanngippat imaluunniit qimmimik qitsummilluunniit aallinngippat Teknikkimut Avatangiisinullu Ingerlatsivik saaffigineqassaaq taassumalu qimmeq qitsulluunniit tiguneqartissavaa imaluunniit inuttaanut ilisimatitsissalluni.

*Imm. 4.* Qimmeq qitsulluunniit imm. 1 imaluunniit 3 naapertorlugu tiguneqartut nalunaaqutserneqaratillu nalunaarsimangippata, aammalu qimmip qitsuullu piginnittua ilisimaneqanngippat, akunnerni 72-ini tigummineqassapput, kingornalu piginnittui nassaarineqanngippata toqunneqassallutik.

*Imm. 5.* Piginnittoq ilisimatinneqarnerminiit imaluunniit tigummineqalerneraniit akunnerit 72-it ingerlaneranni qimmimik tigusinermi aningaasartuutaasunik akiliiluni qitsummilluunniit aallinggippat Teknikkimut Avatangiisinullu Ingerlatsiviup qimmeq qitsulluunniit allamat tunniussinavaa toqunneqartissinnaalluguluunniit. Qimmimik tunisinermi sinneqartoorutit piginnittumut, qaammatit pingasunngortinnagit nalunaaruni pisinnaatitaaninilu uppersarlugu, tunniunneqassapput, taamaanngippat kommunip karsianut nakkartinneqassapput.

**§ 17.** Illoqarfiup nunaqarfiulluunniit iluani qimmimik qitsummilluunniit piginnittut taakku anaannik katersisussaataapput.

#### *Qimminik pitussimatitsineq toqutsinerlu*

**§ 18.** Qimmit silamiitsinneqartut pitussimassapput imaluunniit ungaluukkaniitsinneqassallutik.

*Imm. 2.* Qimmit pitoqqajuaannartinneqassanngillat.

*Imm. 3.* Qimmeq pitoqqaguni minnerpaamik 5 meterimik pituutaqartinneqassaaq, taavalu sialummut, apummut, anorimut nillimullu qangatsiffissaqartinneqassalluni. Qangatsiffissaq qimmip inigippagu ima portutigissaaq qimmeq nikorfasinnaassalluni.

*Imm. 4.* Qimmeq ungaluukkamiikkuni qangatsiffissaqartinneqassaaq.

*Imm. 5.* Qungasequtit qimmimut ajoqusiinnaasut atornissaat inerteqquutaavoq, tassalu qungasequtit naqqusartallit iml. qungasequtit sukallugit qimitsinnaasut.

**§ 19.** Qimmip imminut allanulluunniit ajoqusiinissaa pinngitsoorniarlugu pisariaqartutut isigineqartunik iliuseqarnissamut qimmimik piginnittuusooq pisussaaffeqarpoq.

**§ 20.** Qimmeq inunnut avatangiisiminulluunniit navianartorsiortitsippat kommunalbestyrelsi makkuninnga peqqussuteqarsinnaavoq:

- 1) illuut qimmip najugaqarfigisaa 1,8 meter tikillugit portussusilinnik ungalusimassasoq ungalullu matoqassasut,
- 2) qimmeq piginnittumit imaluunniit inummit 18 sinnerlugit ukiulimmit aqqatigut taasamit aneerunneqarsinnaasoq aammalu qimminut allanut peqatigitillugu aneerunneqassanngitsoq,
- 3) qimmeq mattusimaneqanngitsoq pituutaqartinneqassasoq, tassungalugu ilanngullugu qimmeq annerpaamik 2 meterinik takissusilimmik angalaarunneqarnermini pituutaqartinneqassasoq, imaluunniit isumannaatsumik ersaruteqartinneqassasut imaluunniit taakku marluk atorpeqassasut, imaluunniit
- 4) qimmip toqunneqarnissaanik aalajangiisinnaalluni.

*Imm. 2.* Qimmeq inunnut ajoqutaappat kommunalbestyrelsi § 20, nr. 1-3 naapertorlugu peqqussuteqarsinnaavoq.

*Imm. 3.* § 20, nr. 1-3 naapertorlugu peqqussut unioqqutinneqarpat, imaluunniit qimmineq aqqusinermi inuillu tikittagaanni allani inunnut uumasunullu innimiilliortarpat, navianartorsiortitsisarpat malersuisarpat imaluunniit illuni narsaatiniluunniit uumasuutitut innimiilliortarpat qimmip toqunneqarnissaanik Kommunalbestyrelsi aalajangiisinnaavoq.

**§ 21.** Qimmip toqunneqarnissaanik aalajangiisoqartinnagu Kommunalbestyrelsip noqqaassuteqarneratigut qimmip pissusilersornerata ilisimasunit naliliivigineqarnissaanut peqataassalluni piginnittoq pisussaaffeqarpoq. Qimmip pissusilersorneranik ilisimasunit naliliineq uumasup nakorsaani akuerisamit ingerlanneqassaaq. Ilisimatutum naliliisitsinermi aningaasartuutit qimmip piginnittuanit akilerneqassapput.

*Imm. 2.* Qimmip toqunneqarnerani aningaasartuutit piginnittumut akiligassanngortinneqarnissaanik Kommunalbestyrelsi piumasaqarsinnaavoq.

*Imm. 3.* § 20, imm. 2 nr. 1-3 aamma § 20, imm. 3 naapertorlugu peqqussutigineqartut imaluunniit toqunneqarnissaanik aalajangiineq qimmeq allamut tunniunneqarpat piginnittunngortumut pisussaaffiliunneqassapput.

*Qimmit qitsuillu angalaaginnartut, pigineqanngitsut kiisalu qimmit qitsuillu unioqqutitsilluni eqqunneqarlutillu uumasuutigineqartut pillugit ataatsimut aalajangersakkat*

**§ 22.** Qimmit qitsuillu angalaannartut kommunip qimmilerisuanit tiguneqartassapput.

*Imm. 2.* Akunnerit 72 ingerlaneranni qimmimik qitsummilluunniit piginnittoq kinaassuseqarsinnaanngippat qimmeq qitsulluunniit § 16, imm 4 toqunneqassaaq tuniniarneqassalluniluunniit.

*Imm. 3.* Piginnittoq kinaassusersineqarsinnaappat uumasup tunniunneqarnerani piginnittoq uumasup nalunaarsorneranik atuuttumik, kiisalu akiuussutissiinernik inatsisitigut piumasarineqartunut uppersaatinik takutitsissaaq. Akiuussutissiinermut inatsisitigut piumasarineqartumut uppersaatinik atuuttunik takutitsisoqarsinnaanngippat uomasoq tunniunneqannginnermini akiuussutissamik kapineqassaaq. Tamatumunnga aningaasartuutit piginnittumit akilerneqassapput.

*Imm. 4.* Piginnittuusorisaq kinaassusersineqarsinnaatillugu, taannalu kommunip saaffiginnissutaanut qisuariaateqanngippat, kommunip piginnittumut saaffiginninneraniit akunnerit 72 qaangiussimalerpata qimmeq qitsulluunniit toqunneqassaaq nioqqutigineqassalluniluunniit.*Stk. 4.*

#### *Naammagittaalliutit*

**§ 23.** Qimmeqarnermut qitsuuteqarnermullu atatillugu ajoqutaasinnaasut kommunalbestyrelsimut naammagittaalliutigineqassapput.

*Imm. 2.* Peqqissaanermut tunngasut pillugit naammagittaalliutit kiisalu uumasut atugarissaarnissaat pillugu inatsimmik unioqqutitsinerit politiinut tunniunneqassapput.

### *Kinguneqartitsineq*

§ 23. Ileqqoreqqusami matumani aalajangersakkanik ukuninnga: § 2, imm. 3, § 3, § 7, § 9, imm. 1-3 §§ 11-12, § 13, § 14, imm. 1, § 15, imm. 1 aamma 3, § 16, imm. 1-3 aamma §§ 17-19 unioqqutitsinerit Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni nr. 18, 30. oktober 1998-imeersumi § 28 naapertorlugu akiliisitsissutigineqarsinnaapput.

*Imm. 2.* Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni § 28, imm. 4 naapertorlugu ileqqoreqqusaq manna annertuumik arlaleriarluniluunniit unioqqutinneqarpat uumasuuteqarnissaq allatulluunniit uumasunik sammisaqarnissaq inerteqqutigineqarsinnaavoq. Inerteqqut tamatigut atuuttussanngortinneqarsinnaavoq imaluunniit piffissami killilimmi minnerpaamik ukiumi ataatsimi atuuttussanngortinneqarsinnaavoq.

### *Atuutilernera*

§ 24. Ileqqoreqqusaat uku atuutlerput **XX-XX-XXXX.**

*Stk. 2.* Ilutigisaanik Kommune kujallermi qimmeqarsinnaanermut qitsuuteqarsinnaanermut ileqqoreqqusaq novembarip 15-anni 2013-imeersoq atorunnaarsinneqarpoq.

Taamaalilluni Kommune Kujallermi kommunalbestyrelsimit ulloq **XX-XX-XXXX** aalajangerneqarpoq.

Kista P. Isaksen  
Borgmesteri

Kim Dahl  
Pisortaaneq

Matumuunna Kommune Kujallermi qimmeqarsinnaanermut qitsuuteqarsinnaanermullu ileqqoreqqusaq naqissuserneqarpoq.

Namminersorlutik Oqartussat, ulloq xx.xx. 2020

Nikkulaat Jeremiassen